

*për pashkë*  
Seanca plenare  
Seanca nr. 2003/21  
Prishtinë, më 10 dhe 11 korrik 2003, ora 10:00  
Ndërtesa e Kuvendit, salla plenare

## PROCESVERBAL

Seancën e kryesoi Nexhat Daci, kryetar i Kuvendit të Kosovës, kurse bashkëkryesues ishte Nafije Gash, anëtare e Kryesisë.

Kryesuesi konstatoi se në seancë ishin të pranishëm 104 deputetë dhe shpalli të hapur punën e saj.

Në seancën e mëparshme ishte miratuar rendi i ditës i kësaj seance, si vijon:

1. Miratimi i procesverbalit nga seanca e mëparshme;
2. Shqyrtimi i çështjes së kthimit të personave të zhvendosur;
3. Shqyrtimi i dytë i P/ligjit për skemën ndihmës sociale – 2003/16;
4. Shqyrtimi i dytë i P/ligjit për regjistrimin e popullsisë, të ekonomive familjare dhe të banesave – 2003/12;
5. Shqyrtimi i parë i P/ligjit për shërbime postare – 2003/19;
6. Shqyrtimi i P/rregullorës së UNMIK-ut për Kodin Doganor të Kosovës;
7. Shqyrtimi i Rekomandimit të Këshillit Gjyqësor dhe Prokurorial të Kosovës për emërimin e gjykatësve;
8. Shqyrtimi i propozimit për emërimin e anëtarëve në Bordin për Telekomunikacion;
9. Propozimi për emërimin e një anëtari në Komitetin për bashkëpunim me Tribunalin e Hagës;
10. Parashtrimi i pyetjeve.

### 1. Miratimi i procesverbalit nga seanca e mëparshme

Deputeti, Naim Maloku pati vërejtje në evidentimin e diskutimit të tij, i cili duhet të korigohet si vijon: “ në fund tha se AKM-ja duhet të përgjigjet për administrimin

jashtëzakonisht të dobët, jotransparent dhe qeverisjen e dobët të të gjitha ndërmarrjeve publike ose shoqërore dhe çdo raportim që është bërë në KS të OKB-së për ekonominë e Kosovës ka qenë mashtrues”.

Me këtë vërejtje u miratua procesverbali i seancës së kaluar.

## 2. Shqyrtimi i çështjes së personave të zhvendosur

Kryesuesi e ftoi znj. Pegi Hiks – Drejtoreshë e Zyrës së Komuniteteve dhe të kthyerve në kuadër të UNMIK-ut, që të raportonte para deputetëve të Kuvendit për këtë çështje.

Pegi Hiks tha se çështja e të kthyerve është njëra ndër çështjet kryesore për gjithë popullin e Kosovës dhe të ardhmen e saj.

Kosova respekton të drejtat e të gjithë qytetarëve dhe duhet të mbështhes kthimin e të zhvendosurëve, që dëshirojnë të kthehen.

Ne duhet të punojmë së bashku që ta krijojmë këtë vend me standarde evropiane. Dua të flas për progresin që kemi arritur në këtë fushë dhe për sfidat që na presin.

Puna jonë është që ne të sigurojmë që çdo person i zhvendosur që dëshiron të kthehet në shtëpinë e tij, ai mund të kthehet dhe të jetë i sigurtë se të drejtat e tij do të respektohen. Ne suksesin tonë nuk e gjykojmë thjeshtë përmes shifrave por e shikojmë nga aspekti që njerëzit që duan të kthehen të kenë mundësi punësimi, çasje në shërbime publike, në shëndetësi, në edukim dhe të lëvizin lirshëm.

Numri i personave të zhvendosur është mjaft kundërthënës ngase kemi një shifër mbi 200 mijë të zhvendosur, por sipas regjistrimit të vitit 1999, kjo shifër mund të mos jetë e saktë.

Ka mijëra të zhvendosur që dëshirojnë të kthehen në shtëpitë e tyre dhe atyre duhet t'i u krijojë mundësinë dhe ti shohim kushtet në teren dhe vet të vendosin për të. Disa prej të zhvendosurëve mund të kenë vendosur që dëshirojnë të jetojnë dikund tjetër, ngase e kanë shitur pasurinë e tyre.

Përgjegjësia për kthimin e personave të zhvendosur është e IPVQ-së së Kosovës dhe e UNMIK-ut, por PSSP-ja mban autoritetin që të intervenoj për mbrojtjen e të drejtave të bashkësive. IPVQ-të e Kosovës, tash janë angazhuar në këtë fushë si në nivelin qendror ashtu edhe në atë komunal dhe është shënuar një progres në këtë drejtim.

Përqendrohem i kthimin e vendit të origjinës, që nënkupton që çdo person i zhvendosur i çdo përkatësie etnike ka të drejtë të kthehet në vendin ku ka jetuar më herët.

Për kthimin e personave të zhvendosur ne kemi themeluar grupet e punës në 28 komuna të Kosovës, të cilat janë të autorizuara për procesin e kthimit. Ato grupe të punës përkrahen nga Qeveria qendrore, ku është formuar grupi i koordinimit të kthimeve që takohet çdo dy javë. Poashtu është themeluar një grup force që kryesohet nga PSSP-ja dhe marrin pjesë komandanti i KFOR-it, kryesuesi i UNHCR dhe Kryeministri i Kosovës.

Ky aktivitet ka dhënë rezultate në fushën e kthimit të personave të zhvendosur ngase në vitin 2002 janë kthyer 2700 persona, kurse në pjesën e parë të këtij viti janë kthyer 1416.

Sa për ilustrim në fshatin Novak të komunës së Prizrenit, janë kthyer 61 familje serbe dhe 44 shtëpi janë duke u rindërtuar. Në fshatrat Biq, Grabac të Klinës janë kthyer 41 familje serbe dhe 20 të tjera janë të gatshme të kthehen.

Në Biti të Epërm të komunës së Shtërpcës janë kthyer 56 shqiptarë, në Magurë janë kthyer 21 hashkali dhe 25 të tjerë kanë shpreh dëshirë që të ktthehen.

Kemi krijuar një fond që do të ndihmojë kthimet individuale të personave të zhvendosur. Pengesa më e madhe me të cilën ballafaqohemi mbetet çështja e sigurisë dhe lëvizjes së lirë të njerëzve, por edhe në këtë fushë është shënuar një progres.

Kuvendi i Kosovës ka një rol të rëndësishëm në çështjen e kthimit të personave të zhvendosur dhe letra e hapur e liderëve të Kosovës tregon se ju jeni të gatshëm që të realizoni këtë detyrë të rëndësishme. Është me rëndësi që ju ta qoni përpara Kosovën dhe të ardhmen e saj, përfundoj znj. Hiks.

Kryesuesi e hapi debatin parlamentar lidhur me këtë çështje.

Arsim Bajrami tha se në emër të Grupit Parlamentar të PDK-së e përkrah procesin e kthimit të personave të zhvendosur dhe i jepin mbështetje të plotë letrës së liderëve të Kosovës lidhur me këtë çështje e cila reflekton politikën e institucioneve të Kosovës. Institucionet e Kosovës kanë dhënë mjaftë dëshmi konkrete për kthimin e të gjithë qytetarëve të zhvendosur të Kosovës. Kuvendi i Kosovës, vitin e kaaluar e ka miratuar një rezolutë me të cilën është përcaktuar procesi i kthimit të personave të zhvendosur. Qeveria e Kosovës, si atemi gjyqësor, TMK-ja, SHPK-ja dhe institucionet e tjera kanë dhënë dëshmi në inkorporimin e pakicave në këto institucioneve.

Partia Demokratike insiston që përgjegjësinë për kthimin e personaave të zhvendosut ta marrin institucionet e Kosovës. Është shumë me rëndësi të punohet në integrimin e personave të zhvendosur në shoqërinë Kosovare. Procesi i kthimit duhet të jetë real, jo imponues dhe të realizohet me projekte dhe përgjegjësi konkrete. Në qoftëse procesi i kthimit ngritet me presione politike, se e kujtështë Kosova do të hasë pengesa.

Kuvendi i Kosovës duhet ta reflektojë politikën e shprehur në letrën e liderëve të Kosovës që është një mesazh për kthimin e personave të zhvendosur, përfundoi z. Bajrami.

Sabri Hamit i praqiti pikëpamjet e Grupit Parlamentar të LDK-së lidhur me këtë çështje. Ekziztojnë dy dokumente institucionale, shtoi për këtë çështje: a) Rezoluta mbi të drejtën dhe kushtet e kthimit të zhvendosurëve e miratua më 7 qershor në Kuvendin e Kosovës dhe b) Letra publike drejtuar qytetarëve të Kosovës të zhvendosur, e nënshkrua nga udhëheqësit e institucioneve dhe të partive politike të Kosovës.

Kosova si shoqëri e barazisë, e jo të diskriminimit qoftë ai pozitiv apo negativ e ka shancën e përparimit dhe të staabilitetit. Kthimi vullnetar e individual që gjithkuq të jetojë në shtëpinë e vetë dhe punën e vet është një procès normal për zhvillimin e Kosovës. Problemi i kthimit duhet të zbres nga niveli i manipulimit politik në rrashqin njerzor e qytetar pa e pasur etnicitetin e të zhvendosurëve. Në vajtjet dhe ardhjet në Kosovë, si në të kaluarën edhe tash ka tendencë të manipulimit me numrin e personave të zhvendosur, andaj është i domosdoshëm një evidentim i sakt i qytetarëve të Kosovës të zhvendosur, për ta bërë dallimin nga kontigjentet administrative represive që në fazat e ndryshme kanë ardhur për ta sunduar Kosovën, përfundoi z. Hamiti.

Dragisha Krstoviq, në emër të Grupit Parlamentar "Kthimi" tha se nuk janë të kënaqur me rezultatet e kthimit të personave të zhvendosur. E drejta për tu kthyer në vendin e tyre është e rregulluar edhe me Kornizën Kushtetuese, kapitulli 3, pika 4 e saj. Koalicioni

“Kthimi” me aktivitetin e vet ka arritur që ta ketë një vend të koordinatorit ndërministror në Qeverinë e Kosovës për kthimin e personave të zhvendosur dhe një këshilltar special pranë PSSP-së për këtë çështje.

Kemi pasur takime të shumta me zyrën për komunitete dhe të kthyer, me shefat e zyreve të “Kvintit”, edhe përkundër të gjitha këtyre aktiviteteve që kemi pasur me përfaqësuesit e Bashkësisë Ndërkombëtare mjerisht rezultate nuk ka. Sipas tyre fajtor për mos kthimin e personave të zhvendosur janë përfaqësuesit e Bashkësisë Ndërkombëtare në Kosovë, liderët shqiptarë si dhe IPVQ-të e Kosovës. Të gjithë ata që kanë qenë të ngarkuar për kthimin e personave të zhvendosur nuk e kanë kryer punën e vet si duhet. Prandaj, ai propozoj që këtë çështje Kuvendi i Kosovës edhe një herë ta shqyrtojë në muajin tetor që të shihen rezultatet në fushën e kthimit gjatë kësaj periudhe. Nëse deri në atë kohë nuk ka kthim masiv të personave të zhvendosur atëherë koalicioni “Kthimi” seriozisht do ta rishqyrtoj pjesëmarjen e vet në IPVQ-të e Kosovës dhe në këtë Kuvend, përfundoi z. Krstoviq.

Bajram Kosumi, tha se çështja e kthimit të personave të zhvendosur duhet të shikohet në kuadër të të drejtave dhe lirive themelore të njeriut. Pengesa më e madhe për procesin e kthimit të personave të zhvendosur është politizimi i kësaj çështje.

Nëse kthimi i personave të zhvendosur nga Serbia lidhet me “kthimin e Serbisë për të sunduar” në Kosovë, kthim nuk do të ketë kurrë. Nëse ndonjë udhëheqës politik serb në Kosovë thotë: “TMK-ja dhe SHPK-ja, janë organizata terroriste”, nuk do të ketë serbë që do të kthehen në Kosovë.

Pengesë tjetër për kthimin e personave të zhvendosur është propaganda e Beogradit që manipulon me këtë çështje, prandaj Kuvendi dhe Qeveria e Kosovës duhet të ndërmarrin masa për eliminimin e këtyre pengesave në mënyrë që të përshpejtohet procesi i kthimit të personave të zhvendosur.

Grupi parlamentar i AAK-së sugjeron:

- a). Në rrafshin politik duhet të punohet në krijimin e besimit të personave të zhvendosur në institucionet e Kosovës dhe të mirëbesimit me popullatën shumicë të Kosovës.
- b). Ne duhet ti bëjmë dhe ti përsërisim ftesat tona tës drejtpërdrejta për personat e zhvendosur qoftë në formë të rezolutës, në formë të letrës, të debatit ka kuptim vetëm nëse i bëhet individualisht çdo personi të zhvendosur.

Faik Marolli, tha se kthimi i të zhvendosurve është një hap pozitiv për të gjithë ne drejt integrimit në Evropë. Ashkalinjët janë numri i dytë pas romëve të zhvendosur në Serbi, Maqedoni dhe Mal të Zi. Kosova është shtëpia e tyre dhe është koha që ata të kthehen në shtëpitë e tyre dhe të gjithë së bashku ta ndërtojmë një Kosovë të re demokratike, multietnike, ku qytetarët e saj do të jenë të barabartë para ligjit.

Pengesë për kthimin e personave të zhvendosur është papunësia e madhe dhe strehimi i tyre, kurse për sigurinë e tyre do të kujdesen forcat e SHPK-së në kuadër të së cilës janë të përfaqësuara të gjitha komunitetet etnike dhe ashkalinjët.

Opinionet, vlerësimet dhe sugjerimet e tyre lidhur me kthimin e personave të zhvendosur i dhanë edhe këta deputetë: Kolë Berisha, Smajl Latifaj, Vesna Jovanovic, Hasan Meta, Mahmut Bakalli, Driton Lajçi, Bislim Hoti, Svetomir Samargjiiq, Xhevdet Neziraj, Oliver Ivanovic, Hydajet Hyseni, Mark Krasniqi, Sanije Alijaj, Bogoljub Millosheviq, Zylfije

Hundozi, Sadullah Hoxha, Remzije Nimani, Gojko Saviq, Ismajl Kurteshi, Zylfi Merxha, Flora Brovina dhe Fetije Këpuska, që i janë bashkangjitur stenogramit.

Kuvendi pas këtyre diskutimeve lidhur me procesin e kthimit të personave të zhvendosur me shumicë votash miratoi këto:

#### R E K O M A N D I M E .

1. Kuvendi rikonfirmon mbështetjen e tij për Rezolutën për të drejtat dhe kushtet e kthimit të të zhvendosurve dhe të refugjatëve të datës 7. qershor 2002 dhe e njeh mesazhin e udhëheqësve të institucioneve të Kosovës lidhur me kthimin e të zhvendosurëve.
2. Kuvendi konsideron se kthimi i të zhvendosurëve paraqet një çështje humanitare dhe respektim të lirive dhe të drejtave të njeriut dhe kërkon që ky proces të mbrohet nga implikimet dhe keqpërdorimet politike.
3. Kuvendi rikonfirmon përcaktimin që Kosova të ndërtohet si shoqëri demokratike që ofron kushte për barazi të plotë të gjithë qytetarëve të saj pa dallime dhe privilegje.
4. Kuvendi angazhohet që procesi i kthimit të të zhvendosurëve të jetë në baza vullnetare në pronat dhe shtëpitë e tyre.
5. Kuvendi konsideron se integrimi i të gjithë qytetarëve në kuadrin e të gjitha institucioneve dhe strukturave të shoqërisë së Kosovës do të ndihmojë procesin e kthimit të të zhvendosurëve.
6. Kuvendi angazhohet për krijimin e një klime tolerante të mirëbesimit e të sigurisë për të ndihmuar procesin e kthimit dhe foton të qytetarët e Kosovës që të ndihmojnë këtë proceës.
7. Kuvendi konsideron se mbështetja financiare ndërkombëtare për rregullimin e infrastrukturës së nevojshme, zhvillimin ekonomik, hapjen e vendeve të reja të punës, paraqet një hap të rëndësishëm në procesin e kthimit të të zhvendosurëve.
8. Kuvendi i Kosovës kërkon që kthimi i të zhvendosurëve të mos kufizohet në baza etnike por të përfshijë të gjithë qytetarët e Kosovës të zhvendosur gjatë dhe pas luftës brenda dhe jashtë territorit të Kosovës.
9. Kuvendi i Kosovës do të përcjellë zbatimin e këtyre rekondimeve dhe kërkon nga institucionet e Kosovës të të gjitha niveleve që të punojnë për realizimin e këtyre rekondimeve.

#### 3. Shqyrtimi i dytë i P/ligjit për skemën e ndihmës sociale

Kryesuesi i njoftoi deputetët e Kuvendit, lidhur me procedurën e shqyrtimit të këtij P/ligji dhe i vuri në votim një nga një amendamentet e propozuara nga komisioni për punë dhe mirëqenie

sociale, komisioni për buxhet, komisioni për të drejtat dhe interesat e komuniteteve, të koalicionit “Kthimi” dhe të deputetës Sabile Basha dhe Kuvendi me shumicë votash i miratoi këto amendamente: 1, 2, 4, 5, 6 b, 8 b, 9, 11, 12 b, 13 a, 15, 17, 20 b, 21 b, 22 b, 24, 27, 28, 29 a, 30, 32, 33 a, 34 a, 35, 37, 38 a, 39 b, 40, 41 a.

Kurse i refuzoi: 3, 6 a, 7, 8 a, c, 10, 12 a, c, 13 b, 14, 16, 18 a, b, 19, 20 a, 21 a, 22 a, 23, 25, 26, 29 b, c, d, 31, 33 b, 34 b, 36, 38 b, 39 a, 41 b.

Në fund kryesuesi e vuri në votim P/ligjin në tërësi dhe rezultati ishte si vijon:

Për-----shumica

Kundër----00

Abstenime----4

Kryesuesi konstatoi: Kuvendi i Kosovës e miratoi Ligjin për skemën e ndihmës sociale.

#### **4. Shqyrtimi i dytë i P/ligjit për regjistrimin e popullsisë, të ekonomive familjare dhe të banesave**

Kryesuesi i informoi deputetët e Kuvendit lidhur me procedurat e shqyrtimit të këtij P/ligji nëpër komisionet parlementare dhe i vuri në votim n jë nga një amendamentet e Komisionit funksional dhe të deputetit Kolë Berisha.

Kuvendi i miratoi këto amendamente: 1, 2, 3, 4, 5, 6 b, 7, 8, 9, 10, 11, 12, 13 b, 14, 15, 16, 17, 18, 19, 20, 23, 24, 26, 27, kurse i refuzoi: 6 a, 13 a, 17, 21, 22 dhe 25.

Kryesuesi e vuri në votim P/ligjin në tërësi dhe rezultati ishte si vijon:

Për-----shumica

Kundër-----9

Abstenim-----10

Kryesuesi konstatoi: Kuvendi i Kosovës e miratoi Ligjin për regjistrimin e popullsisë, ekonomive familjare dhe të banesave.

#### **5. Shqyrtimi i parë i P/ligjit për shërbime postare**

Kryesuesi e ftoi ministrin e MTPT që të arsyetonte P/ligjin para deputetëve.

Ministri, Zef Morina e arsyetoj nevojën e nxjerjes së këtij Ligji me sa vijon:

- Për sigurimin dhe ofrimin e shërbimeve bazë në tërë territorin e Kosovës, përmirësimin e cilësisë së shërbimit dhe mrojtjen e investimeve të përdoruesve lidhur me shërbimet në fjalë;
- Zhvillimin e mëtejshëm të shërbimit postar në përputhje me standartet ndërkombëtare dhe kushteve konkrete të zhvillimit të këtyre shërbimeve në Kosovë;
- Sigurimin e konkurrencës, ndershmërisë ndërmjet operatorëve dhe mbrojtja e interesave të përdoruesve;
- Rregullimin dhe kryerjen e shërbimeve postare në përputhje me rekomandimin e Bashkimit Evropian dhe dokumenteve standarde të Bashkimit të Postave Ndërkombëtare;
- Liçencimin e operatorit publik, i cili ofron shërbime bazë dhe shërbime të tjera;
- Dhënien e lejeve për ofruesit e shërbimeve postare që ofrojnë shërbimet tjera postare që nuk përfshihen në shërbimet bazë postare.

Kurse struktura e këtij P/ligji është i radhitur në 9 kapituj, shtoi ministri Morina dhe atë:

Kreu i parë – Dispozitat e përgjithshme, ku hyjnë objektivat e ligjit, qëllimet dhe përkufizimet terminologjike;

Kreu i dytë – Roli i Qeverisë në sektorin postar, ku përcaktohen kompetencat e Ministrisë dhe të Departamentit të postave; kush e krijon strategjinë e zhvillimit të postave; kush e miraton; kush e zbaton dhe kush kryen rregullimin e sektorit postar në Kosovë;

Kreu i tretë – Shërbimet postare, ku përcaktohen objektet dhe veprimtaritë e shërbimit postar, si dhe ndalesa në këtë shërbim;

Kreu i katërt – Përcakton sigurimin e shërbimeve bazë, të rezervuara; rregullimin e operatorit publik; bashkëpunimin në shërbimin postar; veprimtaritë e shërbimeve në situatat e jashtëzakonshme;

Kreu i pestë – Licencat dhe lejet definojnë se kush bënë dhënien e licencave dhe lejeve të operatorëve të ndryshëm; kompetencat dhe kushtet e dhënies së liçencave të tyre si dhe përcakton kontrollin e shërbimeve postare;

Kreu i gjashtë – Kontratat e shërbimeve postare përbajnë veprimtarinë konkrete të realizimit të shërbimit postar, duke filluar nga pranimi, vijimi, dorëzimi, taksat, përgjegjësia, reklamacionet dhe masat e dëmshpërblimit;

Kreu i shtatë – Fshehtësia në të cilën përcaktohen ruajtja e sekretit dhe ruajtja e të dhënavë si kërkesa të veçanta për mbrojtjen e interesave të përdoruesve;

Kreu i tetë – Përcakton kundërvajtjet dhe masat e gjobitjes; dhe

Kreu i nëntë – Dispozitat përfundimtare mbështeten në marrëdhëniet dhe shërbimet bazë postare dhe organet vendore.

Në fund, ministri Morina i ftói deputetët e Kuvendit që ta miratonin këtë P/ligj.

Opinionet, vërejtjet dhe sugjerimet e veta në këtë P/ligj i dhanë deputetët: Edita Tahiri, Naim Maloku, Hatixhe Hoxha, Dragisha Krstoviq, Alush Gashi dhe Ramadan Kelmendi, që i janë bashkangjitur stenogramit.

Pas diskutimit,Kuvendi e miratoi me shumicë votash në parim P/ligin për shërbime postare dhe e ngarkoi Komisionin funksional që të raportonte me rastin e shqyrtimit të dytë të tij.

#### 6. Shqyrtimi i Projektrregullorës për Kodin Doganor të Kosovës.

Kryesuesi i informoi deputetët e Kuvendit se kjo Projektrregullore e Kodit Doganor te Kosovës është propozuar nga UNMIU-u që i është dërguar Qeverisë dhe Kuvendit që t'i japin vërejtjet dhe komentet e veta lidhur me te.

Qevria e Kosovës i kishte bërë vërejtjet dhe sugjerimet e veta ne këtë Projektkod dhe ia kishte dërguar Kuvendit.

Komisionet e Kuvendit e kishin shqyrtuar këtë Projektkod dhe vërejtjet e Qeverisë dhe kishin bërë rekomandimet për Kuvend.

Kryesuesi e hapi debatin parlamentar lidhur me to.

Opinionet,vërejtjet dhe sugjerimet në këtë Projekrregullore i dhanë deputetët:Haki Shatri,Sabri Hamiti,Dragisha Krstoviq,Hydajet Hyseni dhe Bajram Kosumi që i janë bashkangjitur stenogramit.

Kuvendi pas diskutimit,me shumicë votash i miratoi vërejtjet e Qeverisë së Kosovës të plotësuara me vërejtjet dhe sugjerimet e komisioneve parlamentare në Projektkodin Doganor të Kosovës,që i janë bashkangjitur stenogramit.

#### 7. Shqyrtimi i rekomandimit të Këshillit Gjyqësore dhe Prokuraial të Kosovës.

Kuvendi pas diskutimit,me shumicë votash i miratoi rekomandimet e Komisionit për Çështje Gjyqësorë,Legislacion dhe Kornizë Kushtetuese,si vijon.

1. Osman Mehmeti,për zëvendës Prokuror në Gjykatën e Qarkut në Prishtinë;
2. Rafet Haxhat,për gjyqëtar në Gjykatën Komunale në Klinë;
3. Sevdije Morina,për Prokuror Publik në Gjykatën e Qarkut në Prishtinë dhe
4. Agron Çalaj ,për zëvëndësprokuror publik në Prokuurinë komunale në Ferizaj,  
Por,kërkoi të dhëna shtesë për kandidatët:
  1. Daut Çela,për periudhën 1992 -1999,që ishte propozuar për gjyqëtar në Gjykatën Komunale në Gllogovc;
  2. Valdete Daka,për periudhën 1993-1999,që ishte propozuar për gjyqëtare në Gjykatën Komunale në Prizren.
- 3.Kuvendi e refuzoi propozimin e Këshillit Gjyqësor dhe Prokurai të Kosovës që kandidati Shefqet Baleci të emrohet gjyqëtar në Gjykatën Komunale në Gllogovc.

#### 8. Shqyrtimi i propozimit për emrimin e një anëtari ne Komitetin për bashkëpunim me Gjykatën Ndërkombëtare në Hagë.

Kryesuesi e vuri në votim propozimin e Komisionit për Çështje Gjyqësore,Legislacion dhe Kornizë Kushtetuese,që kishte propozuar depuetët Arsim Bajrami dhe Nekibe Kelmendi.

Pas numrimit të votave,kryesuesi konstatoi se Kuvendi i Kosovës e emroi deputetin Arsim Bajrami për anëtar të Komitetit për bashkëpunim me Gjykatën Ndërkombëtare në Hagë.

#### 10. Parashtrimi i pyetjeve.

Ministri i Ministrisë së Mjedisit dhe Planifikimit Hapësinor,z.Et'hem Çeku e kishte paralamruar përgjigjen në pyetjen e deputetit Lulzim Zeneli,por ai nuk ishte i pranishëm në seancë dhe çështje u shtye për seancën e ardhshme.

Seanca përfundoi në orën 13;30 minuta.

Sekretaria e Kuvendit

Kryetari i Kuvendit të Kosovës

akademik Nexhat Daci